

Headlines

- 1 प्रधानमंत्री नरेन्द्र मोदी होरें आखेआ जे मन की बात च इक विकसित भारत बनाने आली भेठा जतन ते भारत दी समृद्ध संस्कृति इतिहास बारे लगातार चर्चा कीती जाग।
- 2 लैफ्टिनेंट जनरल उपेन्द्र द्विवेदी होरें अगले सेना प्रमुख दे तौर पर संगघ लैती।
- 3 रियासी च होए दे आतंकवादी हमले दे सरबंघै च राष्ट्रीय जांच अजेंसी नै केई सारी थाहरें पर राजौरी च छापेमारी कीती।
- 4 श्री अमरनाथ जी दी यात्रा लेई कश्मीर घाटी च स्थिति दौनें आधार शिविरें थमां श्रद्धालु अपनी अगड़ी यात्रा लेई रवाना होए। ताई जम्मू दे आधार शिविर थमां त्रिया जत्था घाटी लेई रवाना होआ।

<><><><><><>

Mann Ki Baat(byte)

प्रधानमंत्री नरेन्द्र मोदी होरें लोकसभा चुनाएं च भागीदारी करने राएं मुल्खै दे लोकवादी सरिस्ते ते संविधान च परतिये भरोसा जताने लेई लोकें दा धन्नबाद कीता ऐ। आकाशवाणी पर अपने "मन की बात" प्रोग्राम राएं अज्जबडलै देश गी संबोधत करदे होई उनें चुनां कमीशन ते चुनां प्रक्रिया च शामिल सब्बने लोकें दा धन्नबाद कीता

प्रधानमंत्री मोदी होरें अपने भाषण च जम्मू कश्मीर च बर्फीली थाहरें पर होने आले "स्नो मटर" दी बी मसाल दिक्ती। उनें आखेआ जे हाल च गै पुलवामा थमां लंदन गी "स्नो मटरे" दी पैहली सप्लाई कीती गई। प्रधानमंत्री होरें पिछले दहाके दरान भारत च जंगल दे इलाकें च होए दे अभूतपूर्व बाद्धे दा बी जिक्र कीता। अमृत महोत्सव दरान देश च 60 जहार कोला मते अमृत सरोवर तैआर कीते गे। उनें आखेआ जे मन की बात राएं इक विकसित भारत बनाने दी बत्ता जतन ते भारत दी समृद्ध संस्कृति इतिहास बारे लगातार चर्चा कीती जाग। एह मन की बात प्रोग्राम दी 111मीं किश्त ही ते मोदी हुंदे आस्सेआ लगातार त्रीह बारी प्रधानमंत्री दा औहदा संभालने मगरा प्रोग्राम दी पैहली किश्त ही।

<><><><><><>

Army Chief Oath

लैफ्टिनेंट जनरल उपेन्द्र द्विवेदी होरें अज्ज नमीं दिल्ली च फौज दे अगले प्रमुख दे तौर पर कार्यभार संभाली लैता ऐ। औहदा छोड़ने आले जनरल मनोज पांडे हुंदा 26एं महीनें दा कार्यकाल अज्ज समाप्त होई गेआ। लैफ्टिनेंट जनरल द्विवेदी होर 16 बरें मगरा पैहले सेनाध्यक्ष बने न, जिनें उधमपुर अधारत उत्तरी कमान दी अगुवाई कीती दी ऐ। पैहली जुलाई 1964 गी पैदा होए दे जनरल उपेन्द्र द्विवेदी होरें 15 दिसम्बर 1984 गी थल सेना दी इन्क्रैंड्री जम्मू कश्मीर राइफल्स च कमीशन प्राप्त कीता हा। सेना दे उपाध्यक्ष नियुक्त होने कोला पैहले ओह 2022 कोला लेइयै 2024 तोड़ी ओह उत्तरी कमान दे सदर दफतर च च जनरल आफिसर कमांडिंग इन चीफ ते इन्क्रैंड्री दे महानिदेशक समेत केई महत्वे आले औहदे पर अपनी सेवा देई चुके दे न।

<><><><><><>

New Criminal Laws

त्रै नमें आपराधिक कनून भारतीय न्याय संहिता, भारतीय नागरिक सुरक्षा संहिता ते भारतीय साक्ष्य अधिनियम कल्लै थमां लागू होई जांगन। केन्द्र सरकार नै राज्ये ते केन्द्र शासत प्रदेशों कन्नै नियमित तौर पर बैठकां कीतियां न जे ओह इनें कनूनें गी लागू करने आस्तै तकनालोजी, क्षमता निर्माण ते जागरूकता पैदा करने आस्तै पूरी चाल्ली तैआर ऐ। इस सरबंधै च पुलस ते जांच अधिकारिएं गी सिखलाई दित्ती गई ऐ। इत्थें एह दस्सना लाजमी ऐ जे इनें कनूनें गी पिछले ब'रे संसद दे स्यालै आले इजलास दरान पास कीता गेआ हा।

<><><><><><>

LG Role Of Academic

जम्मू कश्मीर दे लैफिटनेट गवर्नर मनोज सिन्हा होरें टेक्नोलीजी सरबंधी राष्ट्रीय संस्थान एनआईटी श्रीनगर च दऊं रोजा राष्ट्रीय सम्मेलन दा उदघाटन कीता। इस सम्मेलन दा विषयसार ऐ जम्मू कश्मीर दी विकासशील अर्थबवस्था च पढ़ाई-लखाई अधारत स्टार्टअप दी भूमका। उपराज्यपाल होरें अपने भाषण च स्टार्टअप प्रणाली गी बढ़ावा देने लेई विद्यार्थिएं दा मार्गदर्शन करने, शिक्षाविदे ते उद्योगें दा संपर्क बनाने, उंदा सशक्तिकरण करने, बढ़ावा देने लेई तैआर कीते गेदे माहौल लेई कीती गेदी पैहलकदमिएं दी सराहना कीती। उपराज्यपाल होरें विद्यार्थिएं गी अपने उद्यम सरबंधी सुखने गी हकीकत च बदलने लेई कारवाई आले लक्ष्य तैह करने दी प्रेरणा दित्ती। उनें आर्थिक तरक्की ते मुख्यै दे सामाजिक-आर्थिक बदलाव च योगदान करने लेई बी आखेआ। उनें शिक्षा संस्थानें च उद्यमशीलता ते नमीं काहडें आली संस्कृति गी बढ़ावा देइयै जम्मू कश्मीर दे आर्थिक बदलाव लेई शिक्षा संचालित स्टार्टअप दी समर्थ दा बी जिक्र कीता।

<><><><><><>

World Bank India

विश्व बैंक नै भारत गी कार्बन उर्जा दे विकास च तेजी आनने आस्तै 150 करोड़ डालर दी दुई किशत दे माली पोषण गी मंजूरी देई दित्ती ऐ। हरित हाइड्रोजन ते इलेक्ट्रोलाइजर आस्तै बजार गी बढ़ावा देने ते नवीकरणीय उर्जा दे इस्तेमाल गी बढ़ाने दे मकसद कन्नै एह माली सहायता दित्ती जा रदी ऐ। एहदे थवां पैहले जून 2023 च विश्व बैंक नै पैहले घट्ट कार्बन एनर्जी प्रोग्रामेटिक डेवेलपमेंट पालिसी आपरेशन आस्तै बी 150 करोड़ डालर दी मंजूरी दित्ती ही। केंद्र सरकार नै बरे 2030 तगर 500 गीगावाट स्थापित नवीकरणीय उर्जा क्षमता हासिल करने दा लक्ष्य रखे दा ऐ।

<><><><><><>

Draft Development

जम्मू कश्मीर दी सरकार नै शैहरी विकास गी बढ़ावा देने दी बत्ता इक महत्वै आली गैह पुट्टी ऐ। सरकार नै जम्मू कश्मीर ग्रांट ते मुनतकिली विकास अधिकार नीति 2024 ते जम्मू कश्मीर लैंड पूलिंग नीति 2024 दा मसौदा तैआर करी लैता ऐ। समावेशी नीति तैआर करने दी प्रक्रिया दे हिस्से दे तौर पर घरें-मकानें ते शैहरी विकास सरबंधी मैहकमें नै आम जनता थमां ऐतराज ते सुझाह मंगें न। इस पैहलकदमी गी अगड़ा बदांदा होई घरें-मकानें ते शैहरी विकास मैहकमे दे कमीशनर सचिव होरें श्रीनगर च सिविल सचिवालय ते जम्मू च 26 ते 29 जून गी जम्मू ते कश्मीर दे जिमीं जायदाद सरबंधी धडें कन्नै मीटिंगा कीतियां हियां। इनें मीटिंगें दा मकसद तजनीफ कीती गेदी नीतिएं बारे बचार ते जानकारी लैना हा।

<><><><><><>

DEO Udhampur

उधमपुर दिएं जिला चुनां अधिकारी सलोनी राय होरें मतदाता सूचिएं च सुधार करने सरबंधी दुए गेड़ बारे सोच बचार लेई बैठक दा सरिस्ता कीता। उनें जानकारी दित्ती जे भारतीय चुनां कमीशनर नै फोटर आली मतदाता सूचिएं च सुधार करने ते सुधार सरबंधी पैहलें आली गतिविधियां पूरी करना लाजमी करी दित्ता ऐ। योग्य मतदाताएं दा नां दर्ज करने आले लक्ष्य गी 100 फीसदी हासल करने ते समर्पण कन्ने कम्म करने लेई अधिकारिएं दा दिल बधाय़ा गेआ।

<><><><><><>

NIA Reasi

राष्ट्रीय जांच अजेंसी एनआईए नै राजौरी जिले दी केई सारी थाहरें पर अज्ज छापेमारी कीती। एह छापेमारी रियासी जिले च होए दे आतंकवादी हमले दे सरबंधै च ही। 9 जून गी रियासी जिले दी पौनी थाहर आतंकवादिएं शिव खोड़ी थमां कटरा जा'रदी यात्रिएं दी गड्डी पर गालियां चलाइयां हियां, जेहदे चलदे बस खाई च जाई पेई ही। इस हादसे च 9 लोक मारे गे हे, जिंदे च इक बच्चा बी शामिल हा। एनआईए नै इस मामले गी 15 जून गी अपने हत्थ च लेई लैता हा। केई सारे छापेमारी कीती गेई। एह छापेमारी गिरफ्तार कीते गेदे अरोपी हाकाम खान आस्सेआ दित्ती गेदी जानकारी दे आधार पर कीती गेई। इन्ने आतंकवादिएं गी सुरक्षत पनाहगाह, खाना पीने ते होर दुई लोड़चदी मदद उपलब्ध करोआई ही।

<><><><><><>

Amarnath Yatra

श्री अमरनाथ जी दे श्रद्धालुएं दा दुआ जत्था कश्मीर घाटी दे दौनें आधार शिविरें थमां अगड़ी यात्रा लेई रवाना होआ। अजें तगर श्री अमरनाथ जी दी पवित्र यात्रा च 13 ज्हार थमां बद्ध श्रद्धालुएं मत्था टेकेआ ऐ। ताई जम्मू दे भगवती नगर आले आधार शिविर थमां 6 ज्हार 619 श्रद्धालुएं दा त्रिया जत्था अज्ज बडलै सख्त सुरक्षा बंदोबस्तें हेठ घाटी लेई रवाना होआ। जम्मू कश्मीर प्रशासन आस्सेआ श्रद्धालुएं लेई लोड़चदे सबै इंतजाम कीते गेदे न। आकाशवाणी कन्ने गल्ल करदे होई श्रद्धालुएं आखेआ जे प्रशासन हर संभव सहायता उपलब्ध करोआ'रदा ऐ। प्रशासन नै श्रद्धालुएं दे रौहने, बौहने, ठैहरने ते सुरक्षा दे पुख्ता बंदोबस्त कीते दे न।

<><><><><><>

DC Ramban-Amarnath(bytes)

श्री अमरनाथ जी दी यात्रा दी तैआरिएं दा जायजा लैने लेई रामबन दे डिप्टी कमीशनर बसीर उल इक्क चौधरी होरें एसएसपी रामबन अनुज कुमार हुंदे सनें होर दुए अफसरें कन्ने बनिहाल च लंगर थाहर दा दौरा लाया ते सुविधाएं दा जायजा लैता। अपने दौरे दरान उनें यात्रिएं गी लंगर आली थाहर दित्ती जा'रदी सुविधाएं ते सहूलतें दा जायजा लैता ते कीते गेदे इंतजामें पर संदोख जाहर कीता। उनें एसडीएम बनिहाल ते एसडीपीओ बनिहाल दे जतनें दी सराहना कीती। आकाशवाणी कन्ने गल्ल करदे होई डिप्टी कमीशनर रामबन होरें आखेआ.....बाईट

इस्सै दरान श्री अमरनाथ गुफा च मत्था टेकने मगरा श्री अमरनाथ जी यात्रा दा पैहला जत्था रामबन जिले दे लंबर ग्राउंड पुज्जा। श्रद्धालुएं प्रशासन आस्सेआ कीते गेदे इंतजामें पर संदोख जाहर कीता। उनें जम्मू कश्मीर दे लोकें गी खातरतब बारे ते दुएं दी मदद करने आले सभाह दी सराहना कीती। आकाशवाणी कन्ने गल्ल करदे होई श्रद्धालु नै गलाया.....बाईट

<><><><><><>

Chief Secretary JKSRTC

मुख्य सचिव अटल डुल्लू होरें जम्मू-कश्मीर बोर्ड ट्रांसपोर्ट कार्पोरेशन गी आखेआ ऐ जे सार्वजनिक सेवां च लग्गी दी गड्डिएं दी निगरानी च बाद्दा करिए राजस्व च बढ़ोत्तरी कीती जा। चीफ सैक्रेटरी होरें ट्रांसपोर्ट विभाग दे कम्मकाज दा जायजा लैने आस्तै लाई गेदी मीटिंग च एह निर्देश दित्ते। उनें ड्राइविंग लाइसेंस जारी करने च चिर लग्गने दा नोटिस लैंदे होई दस्तावेज जारी करने दी प्रक्रिया गी तेज करने लेई आखेआ। उनें ट्रैफिक नियमें दी उल्लंघना बार-बार करने आलें दोषिएं खलाफ सख्त कार्रवाई करने दे निर्देश बी दित्ते।

<><><><><><><><>

India World Cup

11एं बरें थमां वैश्विक सतह दी ट्रॉफी हासल करने दी भारत दी निहालप कल रातीं उसलै खत्म होई गई जिसलै रोहित शर्मा हुंदी अगुवाई आली भारती क्रिकेट टीम नै ज़मदेपदहजवद वअंस च मर्दे दे आइ.सी.सी टी-20 क्रिकेट विश्व कप 2024 तैहत दक्खन अफ्रीका गी 7एं रन्जें कन्नै हरइयै शानदार जित्त हासल कीती। पैहलें बल्लेबाजी करने दा निर्णय लैंदे होई विराट कोहली दे 76एं ते अक्षर पटेल दे 47एं रन्जें कन्नै भारत 20एं ओवरें च 7 विकटां मोहाइयै 176 रन्ज बनाइयै मजबूत स्थिति च हा। एह अजें तगर मर्दे दे टी-20 विश्व कप च कुसै बी टीम आस्सेआ फाइनल च बनाए जाने आले सब्भनें शा मते रन्ज न। 177एं रन्जें दे लक्ष्य दा पिच्छा करदे होई दक्खन अफ्रीका 8 विकटां मुहाइयै छडे 169 रन्ज गै बनाई सकेया। दक्खन अफ्रीका दे हैनरिच क्लासन नै 52 रन्ज बनाए। भारत आस्तै हार्दिक पांडया नै 3 विकटां लैतियां जिसले के जसप्रीत बुमराह ते अर्षदीप नै 2-2 विकटां लैतियां। विरोट कोहली गी उंदी शानदार पारी लेई मैच ऑफ दा मैच घोषित कीता गेआ। जसप्रीत बुमराह गी 8एं मैचें च 15 विकटां लैने ते 6 थमां हेठली रण रेट देने लेई प्लेयार ऑफ दा टूर्नामेंट घोषित कीता गेआ। भारत दे महान क्रिकेटर विराट कोहली ते रोहित शर्मा होरें टी-20 विश्व कप दो बारी जित्तने मगरा कल टी-20 अंतरराष्ट्रीय थमां सन्यास दी घोषणा कीती। जित्त दे किश गै मिटें मगरा कोहली नै अपने सन्यास दी घोषणा कीती। भारती कप्तान रोहित शर्मा होरें मैच मगरा इक आधिकारिक प्रेस कांफ्रेंस च अपने सन्यास दी घोषणा कीती।

<><><><><><><><>

Weather

मौसम विभाग नै आखेआ ऐ जे जम्मू खित्ते दे मते सारे हिस्सें च मानसून पुजजी गेआ ऐ ते पूरे जम्मू ते कश्मीर च पुज्जने लेई पैहली जुलाई तगर सििति साजगार लग्गा'रदी ऐ। इनें हिस्सें च अगले त्रै थमां 4 दिनें बश्कार हल्की थमां दरमेयाने दर्जे दी बरखा पेई सकदी ऐ ते मगरा एहदे च बाद्दा होई सकदा ऐ।

<><><><><><><><>